



Nunap nakkaassinnaaneranut ulorianartorsiulerneq pillugu kalerisaarigasuarsinnaanerup upalungaarsimanissamut piumasaqaatitigut naammassinninnissamut teknikkikkut atortorissaasusersornikkut aqqutissiuuteqqullugu misissuisoqassasoq Naalakkersuisut peqquneqarnissaannik Inatsisartut aalajangiiffigisassaattut siunnersuut. Upalungaarsimanissamut kalerrisaarinissamullu aqqissuussinerit, pilersitap isumannaallisaanikkut sunnitissai aningaasatigullu kingunerisassai misissuinerup imarissavaa. Illorsuarni pilersitsinissamik periarfissat misissuinermi immikkut ittumik ilaatinneqassapput. Misissuinerup inernera kingusinnerpaamik Inatsisartunut saqqummiunneqassaaq UKA 2021-imi.

(Inatsisartunut ilaasortaq Múte Bourup Egede, Inuit Ataqtigiit)

(siullermeerneqarnera)

Nunap nakkaassinnaaneranut ulorianartorsiulerneq pillugu kalerisaarigasuarsinnaanerup upalungaarsimanissamut piumasaqaatitigut naammassinninnissamut teknikkikkut atortorissaasusersornikkut aqqutissiuuteqqullugu misissuisoqassasoq Naalakkersuisut peqquneqarnissaannik Inatsisartut aalajangiiffigisassaattut siunnersuut. Upalungaarsimanissamut kalerrisaarinissamullu aqqissuussinerit, pilersitap isumannaallisaanikkut sunnitissai aningaasatigullu kingunerisassai misissuinerup imarissavaa. Illorsuarni pilersitsinissamik periarfissat misissuinermi immikkut ittumik ilaatinneqassapput. Misissuinerup inernera kingusinnerpaamik Inatsisartunut saqqummiunneqassaaq EM2021-imi.

(Inatsisartunut ilaasortaq Karl-Kristian Kruse, Siumut)

(siullermeerneqarnera)

2017-mi pisut alianartut suli attortisimaffigaavut, tassaarsuup Nuugaatsiaq eqqormagu. Inuit arlallit inuunertik annaavaat sulilu amerlanerusut angerlarsimaffeerullutik. Ajunaarneq, puigunngisaannagassarput, aammalu sutigut tamatigut taamaattoqaqqinnginnissaanut isumannaallisagassarput.

Demokraatinit Illorsuarmit Nuugaatsiarmit paasillaarsinnaavagut, angerlarusummata, uagullu aamma kissaatigaluaqarparput, taamaaliornissaannut ikiorsinnaallugit. Allatulli ajornartumik qulakkeertariaqarparput, utissappata isumannaatsuunersoq, ajoraluartumillu misissuinerup nutaarluinnaap takutippaa, Illorsuarni Nuugaatsiamilu najugaqarnissaq ulorianartuusoq, qaqqat sisooqqinnissaannut ilimanaateqartorujussuummat, tassaarsuaqartitseqqissinnaasunik. Allatut ajornartumik innuttaasut isumannaatsumiinnissaat eqqarsaatigisariaqarparput.

Imaanngilarli, qanoriliuseqassanngitsugut. Tassaarsuaqarnerani eqqugaasut ikiorlugilla tapersersortuassavagut, sapinngisatsinnillu isumaginiassallugu, Illorsuarmit Nuugaatsiarmit nunap sinnerani nuuffimmini sungiussiniarnissaat.



Tamanna tunngavigalugu Naalakkersuisut allannguutissatut siunnersuutaat taperserparput, sapinngisamik misissuinissap tuaviuunneqarnissaanik, Illorsuit Nuugaatsiallu eqqaanni upalungaarsimanissamut kalerrisaarutininik pilersitsinissanut periarfissanut tunngasut.

Siunnersuutit taamatut oqaaseqaaserlugit Avatangiisinut Eqqissisimatitsinermullu ataatsimiititaliamut suliassanngorlugit ingerlateqqippagut.